

解州全志卷之十五 安邑縣

藝文

安邑飲葡萄酒

宋 王孚

風含翠蔓舞蒼虬
露濕驪珠拂素秋
釀酒儘堪留客醉
比來何必問涼州

九日遊黑龍潭三首

元 王演

登臨何處思飄飄
並海龍宮戴巨鰲
鹽澤引風吹醉幘
條山分翠助詩豪
天容澹泊清眉目
秋氣蕭森逼鬢毛
徧地軍塵幾時息
缺壺歌罷首頻搔

兩池巖海鬪清漪
四面雲山列翠微
幸遇一年酬晚節

解州全志 安邑縣 藝文

一

况逢九日出晴暉
杯啣秋露黃花老
帽落西風白髮稀
家隔兵塵歸不得
眼穿邱隴淚空揮

忙裏偷閒遇四難
不妨草草具杯盤
望窮北闕三千里
倚遍西風十二闌
水落山容增古澹
雨餘天氣凜清寒
明年此會知何處
醉撚黃花且盡歡

題杜四輔

即杜祐也洪武間徵為四輔官

明 劉欽順

前山傷槁木
昭代聞人出一戰
勝河東獨步廣寒宮
飛龍瞻淮甸
夜夜夢豹變
山樊入天使
大人時利見黃幄
則為臣青宮
則為友魚水
歡莫既
素絲梳滿手

安邑道中

薛瑄

魏主城頭日欲晡尙驅羸馬涉前途黑龍堰古波濤壯
青石槽長草樹疎風土仍存唐帝俗川原猶帶夏王墟
憑高處處頻迴首目斷雲山憶故居

夏大夫塚

初 杲

西風衰柳泣寒螿繫馬祠前吊夕陽要使鳴條常續禹
肯如終古出奔商大河曲涑陵邱在烈日秋霜草木香
野老亦知忠義好細陳一派到雲長

前題

呂 柟

嶺栢啼猿柳咽螿諫臣孤塚照斜陽憂深禍本伐施氏
恨切鳴條入有商碎骨忍看伊洛竭逆鱗不爲汗青香
解州全志

卷之十五

安邑縣

藝文

二

那知義勇猶扶漢一脉流忠天地長

前題

王道暉

丹心碧血垂青史浩氣忠魂貫日光不計千年存墓塚
祇期一死悟君王枯楊落葉埋秋水斷碣寒鴉噪夕陽
獨向西風來展拜生芻未奠已神傷

謁帝舜廟

張四維

重華遺廟古城隈城上薰風百尺臺谷近二陵畱異竹
泉分雙井沁新苔深山木石鹿仍過廣殿簫韶鳳自來
千載垂衣逢舜日慶雲常是護三台

魏豹城

曹于汴

野老溪邊說魏侯荒原曾此樹瓊樓秦王殿上珠光照
薄后宮中貴氣收故壘惟聞殘鏃出遺溝猶自淡烟浮
興亡千古堪憑吊何事蜂衙喧未休

望分雲嶺

楊士魁

峩嶷南望布雲山隱隱霏霏染翠鬢莫戀空巔自來去
好施霖雨到人間

魏豹城

張士茂

憑高悵望重徘徊萬井寒消霽色開霸業千秋餘弱草
春光三月散浮埃女牆雲氣當空淨官柳鶯聲破暖來
見說信陵能下士夷門何處首頻回

解州全志

卷之十五

安邑縣

藝文

三

玉鈎山

前人

鬱鬱蒼蒼半如搆一鈎玉占千峰秀長松謾謾晚生濤
芳杜離離春競茂帶月歸樵迷燒痕看雲口叟倚巒岫
尋詩時復一登高賦就豪吟空宇宙

涑川導水行

曾大有

秦晉分野羣山圍川珍嶽貢承平久皇仁敷化理薰莖
民物熙熙自康阜作鹹澗下著箕疇雪甸瓊花顆如斗
汭汭嵯利佐邊儲水患年來數非偶猥予謫陋愧三監
胸中鹽鐵書何有旁咨古道決西流父老前陳已騰口
我家沉竈產青蛙東里漂流總龍湫呼嗟誰辦拯溺功

不教隣壑魚黔首乃計徒庸程土物飛檄官胥迅奔走
萬杵秋烟廢塹完弱縷沿堤裊新柳導滯疏湮滙太湖
燒礪胡能當擊掊清流拍岸瀉黃河濺沫驚濤鐵牛吼
桑泉土藝麥有秋婦子欣欣饁南畝會看嵯海凝素英
依依斥鹵歸窮部司農外府歲計餘裕國通商謠白叟
作法於貪末弊流區區桑孔誰其咎何似清朝權政平
祖宗立法殊仁厚隨時補弊在臣工戒事先期豈容後
將來繼者畜奇策經略顯看掩予醜潤澤都歸畫一中
億萬斯年同不朽

舜廟

周士儒

解州全志

卷之十五

安邑縣

藝文

四

鳴條蜿蜒界平川舜帝神祠不記年數畝宮連秋樹碧
一圍塚接暮雲連風林清夜皆韶樂野老荒村亦豆籩
地與河中原比壤虞陵誰道堯嶷前

魏豹城

國朝 周訓成

睢水風寒百將心旌旗半捲有浮沉漢王立馬傳金鐸
魏豹分兵別羽林百雉城高仍略地長罌夜渡已成禽
牀前殊相終難據草竊何須橫古今

謁舜陵

前人

陵谷千年異悠閒是白雲臨厓殘碣石夾道野楸分雨
過朝烟潤風來夏日薰鳴條真可信何事弔湘君

登孤山栢林

王寬

立馬高峰上春深翠色分天低絕頂樹人出下山雲石
險孤猿嘯林香古栢焚南軒覓道侶揮塵絕塵氛

謁舜陵

謝檀齡

虔向鳴條薦野蘋肅瞻虞帝儼垂紳地隣蒲阪陵宜在
葬卜蒼梧史未真廟炎曙燃香焰曩塚碑高臥石苔新
森森古栢風吹響韶樂依稀尙未泯

謁夏大夫塚

楊愈節

潔陳蘋藻奠椒觴馬鬣遺封古道旁夏社黃塵松泣露
周原碧血草飛霜野燐帶月侵殘碣棲鳥迴風噪夕陽

解州全志

卷之十五

安邑縣 藝文

五

見說常平傳世系千秋忠義說吾鄉

送陳子文赴安邑四首

王士正

我愛田子方同時段干木高義動諸侯清風激頽俗聞
鍾知左高佳言足三復下車或式閭寧浼踞堂辱斯人
邈已遠餘韻畱鄉曲賢哉魏成子千秋擅遐躅

峨峨中條山迢迢涑川汜人物表西河流風至今美陳
侯東海來高文一何綺閭闔籥浮雲負絕致千里自抱
萬古心五斗焉足恥滹沱水上渡故關雪中啟懷古多
遠情到官正春水目送中條雲松風滌雙耳

騏驥服鹽車躑躅上虞阪山石何礲聲日暮途且遠道

逢紵衣惠未敢悲晚晚仰首奮長鳴而日思一展譬彼
軼世士遭時未離蹇君過虞阪上懷古向陵緬古之賢
達人澄懷善舒卷

森森沆湘流香草日以蘭鬱鬱徂徠松百尺凌歲寒君
子重結交貞固期不刊解巾二十載閱世如波瀾莞枯
旣以移素心良獨難喬木隱窮巷饑禽噪簷間君借辛
齋叟時時造門端告我媯汭行能不傷肺肝呆比金石
心在遠義亦安不見蕭長倩錄錄會抱關

魏豹城

康如璉

龍成五彩自非常逐鹿徒勞介胄忙川岳不聞標姓字

解州全志

卷之十五

安邑縣 藝文

六

邱陵猶自記金湯霜寒古道入聲遠露冷頽垣鳥跡藏
霸主真王何處是青青柳陌幾斜陽

帝舜陵

前人

渺渺中天遠邱陵鎖寂寥霞開朝舞鳳松响夜聞韶
甸光華爛堯封雨露調應知文物代不向九嶷遙

夏大夫塚

前人

煙雨萋萋鎖夏臺孤臣扶主志堪哀只今陌草連雲碧
彷彿忠魂月夜來

峩眉嶺

吳凌遠

青靄層巒望眼賒兩峰野色遠堪誇淺描八字垂螺黛

淡畫雙蛾點絳霞縹渺含烟春雨潤參差帶影夕陽斜
晚晴月出還堪賞好向峰頭玩素華

弔李忠愍貞佐

前人

抗節孤城一命輕同天廟貌死猶生好教守邑諸君子
身後賢愚早辨清

邢烈女

康行儻

吾聞烈士殉於名倉卒或能輕死生弱質何緣知節義
髻顏竟解抱堅貞臨頭白刃甘如薺蹠血朱樓志不更
金谷青陵成往昔共應千載樹芳聲

弔明季殉節邑令房公五首

車敏來

解州全志

卷之十五

安邑縣 藝文

七

莫道鸞棲一小臣安危百里繫公身愧無長策堪除賊
幸有完名未辱親數尺黃泉埋白骨千年碧血起紅塵
只今生氣真如在瞻拜先宜自整巾

此心久已屬波臣絕命還將綬佩身今日馨香知不泯
當年丰采恨難親狂瀾水倒中流石野戍烽消過隙塵
廿四郡中無義胆河東空自怨黃巾

腰折寧爲一命臣策名早判致其身艷詞月露非華國
壯節風雲是顯親尙望三千同戮力豈期九五竟蒙塵
半行殘碣題官井誰覓當年舊角巾

不作全軀一例臣肯將八口累吾身由來共食君王祿

到此都捐骨月親吞咽清泉酬素志摧殘紅粉委輕塵
時公隨有一女亦死了然大義無難色兒女何曾淚着巾

周溫誤國盡庸臣一死終成抱恨身厲鬼直當殲佞黨
幽魂還自繞慈親泥封枯井經霜草煙起荒祠落日塵
五色詔宣新樹表雍正二年詔建忠孝祠於學中公得與祀愚氓感泣亦沾巾

過安邑

劉 棨

攬轡斜陽裏低徊問禹都山川猶底定宮室久荒蕪夏
禮無徵信方名有鼎圖大哉明德遠千古聖王謨